

東臺縣志

第五冊

地 220.99  
35

部 = 5

卷十七	卷十八	卷十九	物產
軍政	鹽法		
名宦			
卷二十			

東臺縣志卷之十七 考十一

軍政

地勢環海防禦宜勤止齊步伐卒旅師軍始時夷島實偏郊鄰我

朝威德戶晏風淳鯨鯢無擾雞犬悉馴不廢斥埃保厥齊民志軍政

東臺縣城守營千總一員駐劄城內協防外委一員駐劄安豐額設兵六十六名戰兵十一名守兵五十五名

明嘉靖三十三年泰州東臺場小海場設置千總二員分防海口係屬水師操習南北十場百長竈勇以

東臺縣志

卷之十七 軍政

備倭患

國朝裁革改置把總二員駐東臺汛續因海口淤塞改爲陸路屬泰州營轄乾隆二十二年添設協防外委一員駐安豐汛三十三年分治後因地方緊要於五  
十三年詳請東臺汛把總一員改設城守千總一員  
汛八

東臺 汛兵二十六名

殷莊 汛兵五名

時堰 汛兵五名

秦潼 汛兵五名

淤溪 汛兵五名

樊汊 汛兵五名

安豐 汛兵十名

富安 汛兵五名



〔汎界〕東去八十里至五條沙河接中昏竈汎界西去  
汊河一百二十里接揚州營界南去四十里至仇湖  
接姜堰汎界北去六十里至白駒場界牌接鹽城營  
界

分防中昏竈汎把總一員駐劄小海團協防外委一員  
駐劄沈家竈向屬水師今改陸路屬泰州營轄額設  
兵二十八名戰兵五名守  
兵二十三名

汎三

中昏竈汎兵十  
八名

沈家竈汎兵  
七名

西團汎兵  
三名

東臺縣志

卷之十七 軍政

二

按林正青小海場志雍正八年爲疏濬小海場海  
口特設千總把總各一員水兵六十四名陸兵三  
十六名防守王家港中昏竈海汎緣地勢低窪潮  
水起落難以蓋造官署營房是以官兵駐劄小海  
團春秋巡洋沙船二隻烏船二隻南二百二十里  
至五竈港與掘港營會哨北一百八十里至鬪龍  
港與鹽城營會哨專任水師其陸路沿海烟墩係  
鹽城掘港二營汎轄非本營防守其俸薪糧餉隨  
丁在泰州營支領

〔汎界〕東去一百二十里大洋海面接掘港營汎界西

去五十里至丁溪間接本營東臺汛界南去四十五里至趙家壩接本營東臺汛界北去三十五里至關龍港接鹽城營汛界

以上每汛營房瞭臺俱如制千總俸廉馬乾銀月支十五兩歲計銀一百八十兩把總俸廉馬乾銀月支十二兩歲計銀一百四十四兩外委糧餉銀月支四兩五錢歲計銀五十四兩戰兵每名月支銀一兩四錢五分歲計銀十七兩四錢守兵每名月支銀九錢七分歲計銀十兩六錢四分遇閏加月小建扣日悉赴泰州營請領給放

東臺縣志

卷之十七

軍政

三

演武場一在縣治北門外一在中昏竈

弓兵

富安巡檢司弓兵十二名

每名歲給工食銀六兩共給銀七十二兩

民壯

本縣額設民壯三十名弓箭十副長鎗十桿腰刀十把得勝衣帽三十副旗幟一副每歲工食銀一百八十兩修埋器械銀六十兩係地丁項下支給

按雍正二年奉

上諭各省州縣額設民壯五十名中縣三十名選募年力壯健之人充補內分班學習鳥鎗二十名弓箭二

十名長鎗十名與兵丁一體防守城池其工食在布政司衙門領給又四年奉

旨准將馬快八名添入班內合為一役習學長鎗以專操

習

海防

掘港寨

如皋縣東

耕茶寨

寧海鄉二十九都

角斜寨

寧海鄉二十九都

劉莊寨

東西鄉二十九都

白駒寨

東西鄉十五都

丁美舍寨

東臺場海口

自富安至小海等八場墩臺一十一座墩軍三十三

名民夫七十七名明嘉靖年間防倭舊制屬海防兵

東臺縣志

卷之十七

軍政

四

備道管轄載泰州志

備倭營

在富安李家堡舊設百戶一名官兵五十名

丁美舍

在城東豐盈關去場三十五里明嘉靖三十三年倭寇連年不靖皆由丁美舍登岸乃設兵千人守汛萬歷二十八年裁減以名色把總統兵二百

名建有衙舍營房防海備倭天啓三年改用欽依孫

天啓五年六月奉旨胡應棟以三科武舉任裁草欽依仍用名色把總

備倭寨

在耕茶黃沙洋萬歷四十二年兵備道熊尚文移置本場鹽課司西百戶一員統揚州衛軍五

各十

角斜寨

在角斜場設備倭百戶一員督揚州衛軍五十名

竈勇

每名歲給工食銀二兩二錢五分支於運庫

富安

一百三十名

東臺

一百二十名

安豐

一百五十名

何塚 九十名

梁塚 一百三十名

丁溪 一百九十名

榭茶 九十名

草堰 八十名

角斜 四十名

小海 四十名

操場

東臺

在場東門外二里計地十六畝三分二釐七毫上

有演武廳三楹從堂三楹耳廳二楹萬歷四十七年鹽院龍遇奇建

富安

每逢春秋二汛給銀三兩租賃民地操演無定址

安豐

在下竈月塘灣側

榭茶

在場東自竈勇裁汰今為義塚

何塚

無操場

角斜

在場東計地六分

梁塚

草堰

東臺縣志

卷之十七

軍政

五

丁溪

小海

以上五場竈勇俱赴東臺操演

南五場千總一員北五場千總一員富安等十場每

場百長一人統領竈勇兼護鹽課故事得給冠服聽

民間願為者投文分司委充俱歲給工食銀七兩二

錢支於運庫至

國朝裁革

以上載中十場志皆明嘉靖時防倭舊制

烟墩

富安

殷家墩唐家墩高家墩豐安墩俱係康熙

東臺

年新設鹽法志烟墩計四座在場東北

豐盈墩

在豐盈關去場三十五里丁美墩太平墩

俱新設鹽法志烟墩二座一在本場三竈南一在

場南通梁  
梁官路旁

安豐 烟墩在場南相傳其下有團練營地五十畝今歲  
久無考九邱墩新設鹽法志一在場東一在場南

計三座  
一在場北

何塚 薛家舍墩離場三十五里鎮海墩定海墩塔港岸  
墩俱新設鹽法志烟墩計三座皆在場東

梁塚 烟墩一離  
場二十里

丁溪 烟墩場北三里麻墩去場四十里屯田九十餘畝  
殷家坎墩彭窪下墩俱新設鹽法志烟墩計六座

柑茶 金家竈墩頭總墩二十四總墩三十八總墩十三  
總墩俱新設計五座夾范堤內外東北

草堰 龍鬚墩在南團離場五十里茅花墩在北團去場  
六十里近海舊制嘉靖時倭奴入寇劉將軍殄之

於此富盈墩茅花墩俱新設鹽法志白駒場併入烟  
墩三座二在場南一在場北

角斜 九總墩新移墩俱新設鹽法志烟墩二座一在本  
場八總隄內一在費家灘七隄外

東臺縣志

卷之十七

軍政

六

小海 南烟墩場南三里至  
丁溪界萬盈墩新設

如皋志明制凡墩撥營軍五名管領黥徒舉號傳烽

所以偵瞭海洋盜警也沿海亭戶與拘覘勾蠅之氓

遇風潮猝至無所依阻則赴墩而逃生所全活者多

矣後之君子任修築者於丈尺之高廣務加意焉

以上采中十場志其與鹽法志互異者附錄証明

明永樂二年倭犯通州諸場驚亂 成化五年三月鹽

賊錢厚作亂稱江海上公騷動沿海備倭都督僉事

董寬勦擒之 嘉靖三十三年倭犯江北分掠沿海

三月倭入掘港諸場戒嚴四月屯掘港分掠諸場

三十六年倭犯海門至寶應諸場戒嚴 三十八年倭犯沿海入丁堰犯盧家場至海安及劉莊等場八月巡撫都御史李遂督副總兵劉顯曹克新等擊倭於白駒場大破之先是三十二三年屢入場境燒燬室廬殺傷人民數歲之閒犯無寧日至是始平

按嘉靖中倭寇如皋其蹤跡出入有與縣境相涉者附錄於左

如皋志嘉靖三十三年春倭寇犯縣夏四月屯海上劫掠五月倭劫東陳鎮皆主簿閻士奇率鄉兵禦之三十六年四月倭至白蒲鎮五月至白蒲丁堰林梓

東臺縣志

卷之十七

軍政

七

等鎮芹湖等莊所過焚劫里巷蕭然兵備副使馬慎禦之知縣陳道主簿葉夢麟守城有功是年賊屢寇掘港等場

三十八年四月一日倭寇大舉入寇千戶王良呂雄死之總兵鄧城交鋒卽奔賊乘勝長驅皋民被害海防副使劉景韶游擊邱陞歷戰二十餘日陞死景韶追倭盡殲之於劉莊場

蔣應奎海安鎮劉白川生祠記略己未歲寇入自利河牒至兵扼白蒲人情洶洶海防白川劉公畫策以如皋海安當衝南逼黃橋西瞰瓜儀姜堰可以越泰窺揚爲必爭之地因請開府李公克齋駐泰爲聲援而躬擐甲胄守如皋城復陳兵海安爲犄角之勢賊分一支綴如皋一支竊出海安而西一支竊出海安



而北至曹堡伏兵四起賊潰走新洲入絕地盡如公  
算悉殲之八月復有三沙之役賊勢愈甚公料賊不  
敢西犯淬礪將佐陳兵以待賊潛自枧茶趨富安安  
豐以遁計是時公守海安如皋則北路必虛兼邱參  
戎窩圍不利勢遂猖獗不虞公率奇兵由閒道先據  
劉莊以下諸險以逸待勞魚網兔羅觸處皆谷醜類  
竟無一生還者矣

按揚郡瀕海者興化東臺而東臺尤爲要地南之  
枧角與如皋鄰北之王家港與鹽城鄰明代丁美  
舍枧茶角斜創建營寨增設臺汛備禦多方猶未  
盡也我

朝制置周詳因海口淤墊改設水師爲泰州營陸路分  
防仍於掘港營設哨船三隻每年四季都司把總

東臺縣志

卷之十七

軍政

八

帶兵出洋巡哨南至大洋稍港與狼山右營巡洋  
官兵會哨北至王家港與鹽城官兵傳箭會哨故  
雖縣治無城池之固而民竈安堵久享承平豈非  
盛世之休風歟

